

UCAPAN YAB PERDANA MENTERI,  
DATO HUSSEIN ONN, SEMASA MERESMIKAN  
KOMPLEKS GERAKTANI DI CHETUK,  
PASIR MAS, KELANTAN, PADA HARI  
AHAD 4HB NOVEMBER, 1979, JAM 10 PAGI.

---

Assalamu 'alaikum Warahmatullahi Wabarakatuh.

Bismilla-hir-Rahmanir-Rahim.

---

Yang Berhormat Datuk Shariff Ahmad,  
Menteri Pertanian,

Yang Amat Berhormat Datuk Haji Mohamed Yaakub,  
Menteri Besar Kelantan.

Yang Berhormat Menteri-Menteri, dan  
Timbalan-Timbalan Menteri, serta Wakil-wakil Rakyat.

Yang Berbahagia Pegawai-Pegawai Kerajaan.

Yang Berusaha Petani, Peladang dan  
Ahli-ahli Gerakan Koperasi.

Tuan-tuan dan puan-puan sekalian.

Mulai dari hari ini, Pusat Kemajuan  
Pertubuhan Peladang yang telah dibina  
diseluruh negara, akan dipesat dan diperluaskan  
kegunaannya, bagi menampung keperluan semua  
petani. Ia akan memesat dan menggiatkan  
lagi penyelarasan semua khidmat nasihat,  
bantuan dan lain-lain kemudahan, yang  
hendak disampaikan kepada petani-petani.  
Dengan pemesanan kegunaannya ini, pusat  
ini sekarang, dikenali dengan nama ~~yang~~  
~~lebih bersemangat iaitu~~ Kompleks Geraktani.  
Kompleks ini akan menjadi nadi kegiatan

dan daya penggerak kemajuan masyarakat petani.

2. Saya bersyukur kehadiran Allah Subhanahu Wataala, kerana dengan limpah rahmat dan izinNYA, dapat saya meresmikan Kompleks Geraktani di Chetuk pagi ini. Saya mengucapkan berbanyak terima kasih serta setinggi-tinggi penghargaan kepada Kementerian Pertanian, khususnya kepada Datuk Shariff Ahmad, di atas penghormatan yang telah diberikan kepada saya. Saya juga mengucapkan terima kasih serta penghargaan kepada Kerajaan dan rakyat Negeri Kelantan, khususnya kepada Datuk Haji Mohd. Yaakub, kerana turut mengambil

bahagian dalam acara lawatan, dan juga perasmian yang bersempena dengan perayaan Hari Peladang tahun ini.

3. Saya merasa amat terharu di atas sambutan meriah yang telah diberikan kepada saya. Penglibatan aktif secara jujur dan ikhlas rakyat dan penduduk tempatan, ~~terutama~~ ~~kanak-kanak sekolah~~ dalam upacara sambutan dan perayaan ini, amatlah menggalakkan.

Saya percaya pamiran yang diadakan sempena perasmian ini, akan mendatangkan hasil yang berkesan kepada penduduk-penduduk tempatan.

....5/-

Tuan-tuan dan puan-puan sekalian.

4. Saya sentiasa insaf dengan keadaan yang belum begitu memuaskan lagi, bagi rakyat di kampung-kampung, terutamanya penduduk yang tinggal di kawasan-kawasan pendalaman.

Sungguhpun Kerajaan telah mengeluarkan perbelanjaan berjuta-juta ringgit, bagi membawa projek dan rancangan pembangunan ke kawasan-kawasan luar bandar, masih banyak lagi kampung-kampung yang belum mendapat nikmat dari kemudahan-kemudahan asas yang disediakan oleh Kerajaan.

... 6/-

5. Sebagaimana kita sedia maklum, kampung-kampung yang ada di kawasan-kawasan luar bandar, terlalu banyak bilangannya. Kedudukan kampung-kampung kecil yang berjauhan diantara satu sama lain, melambat dan menyulitkan lagi usaha Kerajaan memesatkan Pembangunan dalam kawasan-kawasan luar bandar dan pendalaman. Oleh yang demikian, usaha Kerajaan ini tentulah memakan masa yang panjang.

6. Kerajaan memanglah sentiasa mengambil perhatian berat dalam usaha memajukan kampung-kampung. Usaha yang

lebih pesat sedang dan akan terus dijalankan, bagi memastikan supaya penduduk-penduduk di semua kampung, dapat merasai nikmat kemudahan-kemudahan, sepertimana yang dinikmati oleh rakyat di bandar-bandar. Satu daripada langkah ke arah memperbaiki keadaan hidup, dan meninggikan taraf ekonomi rakyat di kawasan-kawasan luar bandar, ialah pelaksanaan Rancangan Pembangunan Wilayah, seperti yang diselenggarakan di kawasan Kelantan Selatan sekarang ini. Kawasan-kawasan Pembangunan Wilayah yang sedang pesat

dijayakan ialah Jengka, Pahang Tenggara, Johor Tenggara dan Trengganu Tengah.

7. Selain dari usaha ini, Kerajaan sedang juga melaksanakan Rangkaian Projek Pembangunan Luarbandar yang disatukan, seperti yang dijayakan di kawasan Kelantan Utara. Projek seperti ini dijalankan dalam enam buah kawasan yang lain, iaitu di Kemubu (KADA), di Johor Barat, di Rancangan Pengairan MUDA, di Krian/Sungai Manik, di Rancangan Pengairan Besut dan di Barat Laut Selangor. Kajian juga sedang dijalankan bagi melaksanakan

iaitu

Projek ini di dua kawasan yang lain, di Pahang Barat dan di Negeri Sembilan Timur. Sementara itu, FELDA, FELCRA, MARDEC dan RISDA, masing-masing menjalankan tugas dan usaha pembangunan mereka sendiri, dalam bidang-bidang yang ditentukan. Kesemuanya ini, adalah kearah matalamat yang sama, iaitu meningkatkan kemajuan kawasan-kawasan luarbandar, supaya petani, pekebun kecil dan penduduk-penduduk kampung yang lain, dapat menikmati kemakmuran hidup yang lebih sempurna.

...10/-

Tuan-tuan dan puan-puan sekalian.

8. Kerajaan telah menjalankan berbagai usaha, serta sentiasa berikhtiar dengan menggunakan bermacam cara, bagi meningkatkan lagi semangat rakyat / jelata supaya mereka bersikap lebih dinamis dan progresif. Sebagai petani dan pekebun-pekebun kecil, mereka mestilah berani mengubah sikap dan pemikiran, serta bertindak mengikut peredaran zaman. Kita mestilah bergerak mengikut perubahan dan kemajuan, dan janganlah kita leka dan lalai sehingga tidak indah samasekali hendak memajukan nasib diri sendiri dan

keluarga kita sendiri. Rebutlah peluang-peluang yang ada, dan gunakanlah kemudahan-kemudahan yang disediakan oleh Kerajaan. Inilah sebaik-baik cara, supaya kita tidak akan ditinggalkan oleh zaman atau menjadi mangsa kemajuan.

9. Sepertimana kita semua maklum, bahawa majlis perasmian dan pamiran yang diadakan pada hari ini, ialah hendak meningkatkan semangat pembaharuan di kalangan petani, dan juga di kalangan pegawai serta kakitangan Jabatan dan agensi Kerajaan, yang terlibat dalam bidang pertanian. Kempen-kempen seperti ini,

memang kerap dijalankan oleh Kerajaan dari masa kesemasa. Pelancaran Gerakan Pembaharuan, Gerakan Jaya Diri dan Rancangan Buku Hijau, yang semuanya bertujuan membaharui dan meningkatkan semangat serta perubahan sikap rakyat, telah tidak mendatangkan kesan yang berkekalan. Saya harap, semangat yang tinggi di majlis ini, tidaklah lagi akan hanya tinggal di tapak pamiran ini. Semangat pembaharuan yang diberikan kepada nama kompleks ini, hendaklah terus ditingkat dan diperluaskan penyuburannya ke merata pelusuk tanahair, supaya petani dan pekebun-pekebun kecil dapat merasai faedah sepenuhnya.

Tuan-tuan dan puan-puan sekalian.

10. Negara-negara perindustrian luar negeri, memerlukan bahan-bahan mentah utama dan pertanian. Negara kita memang terkenal dengan pengeluaran getah, timah, kelapa sawit dan kayu-kayan. Di samping bahan-bahan ini, kita mestilah juga memesatkan lagi pengeluaran bahan-bahan mentah pertanian yang lain, untuk kegunaan kita sendiri, kegunaan perindustrian kita, dan juga untuk diekspot ke luar negeri. Negara kita kaya dengan sumber alam, mempunyai kawasan tanah yang luas, subur untuk bercucuk tanam,

kaya dengan tenaga pekerja, kemahiran dan keupayaan. Apa yang diperlukan ialah usaha dan semangat bekerja untuk maju, serta berusaha bersungguh-sungguh untuk kemajuan yang lebih tinggi.

11. Dalam usaha kita hendak mencapai  
kita  
kemajuan yang lebih tinggi, / perlulah melengkapkan diri kita dengan pengetahuan, kemahiran dan kepakaran yang diperlukan. Kita mestilah berupaya menggembelinkan tenaga, menggunakan kepakaran dan kemahiran ini, dengan cara yang tersusun dan teratur, serta bermuafakat dalam segala tindakan kita,

...15/-

seperti dalam perancangan, penanaman dan pemasaran. Berkat dalam usaha muafakat seperti ini, memanglah sudah jelas faedah dan kesannya di masa-masa yang lalu. Semangat muafakat yang telah kita semua warisi dari datuk-nenek kita ini, mestilah dihidupkan semula, serta disuburkan di kalangan jenerasi muda kaum petani.

12. Dengan wujudnya semangat muafakat ini, maka segala tenaga pekerja yang terdapat di kalangan keluarga petani, dan segala pengetahuan dan kemahiran yang telah dilengkapkan kepada

diri pegawai dan kakitangan Jabatan dan agensi Kerajaan dalam bidang pertanian, daptlah disatu dan digembelingkan bagi menghasilkan faedah yang sebaik-baiknya. Dari perancangan yang tersusun, dengan pelaksanaan penanaman yang pesat, dan dengan menggunakan kemahiran teknologi moden, serta dengan semangat dan tekad yang kuat, petani-petani tentu dapat meningkatkan daya pengeluaran, serta mengeluarkan hasil mahsul yang lebih bermutu tinggi.

13. Penyelarasan dalam tindakan dan kegiatan bidang pertanian, dalam masa beberapa tahun ini, memanglah telah dijalankan oleh

Lembaga Pertubuhan Peladang. Kemajuan yang diperolehi dari usaha yang disatukan ini, telah membawa kesan yang menggalakkan. Penglibatan Kementerian Pertanian dalam usaha penyelarasan ini, akan memesatkan lagi penyertaan secara aktif semua Jabatan-Jabatan dan agensi-agensi yang berkenaan, yang ada di bawah jagaan Kementerian Pertanian. Saya penuh yakin, usaha memesatkan penyelarasan ini, dapat mendatangkan hasil yang lebih berkesan kepada petani-petani.

14. Dalam hubungan ini, peranan agensi-agensi yang mengendalikan pemasaran adalah penting sekali, supaya daya pengeluaran

yang tinggi dan hasil yang bermutu, yang telah diusahakan oleh petani-petani, dapat membawa pendapatan yang bertambah dan lebih lumayan kepada kaum petani. Mereka yang telah ditugaskan dengan kewajiban ini, hendaklah menunaikan peranannya dengan lebih bertanggungjawab.

Saya menekankan perkara ini, kerana di masa-masa lampau, khususnya dalam pelaksanaan Rancangan Buku Hijau, semangat petani dan rakyat menjadi lemah dan luput, sehingga mengakibatkan rancangan seperti ini kurang berkesan, ialah disebabkan pengeluaran bahan-bahan petani yang banyak, tidak mendapat pasaran yang baik.

15. Terdapat di beberapa tempat dan kawasan, agensi yang mengendalikan pemasaran barang-barang pertanian kampung, telah tidak dapat mengator dan menyelaraskan rancangannya dengan licin dan sempurna, sehingga mengakibatkan hasil-hasil pengeluaran petani yang banyak itu, musnah begitu sahaja. Petani-petani yang terlibat telah mengalami kerugian yang besar. Kelemahan ini, telah mengecewakan petani, dan menyebabkan sambutan dingin rakyat terhadap beberapa rancangan Kerajaan. Jika kelemahan-kelemahan yang telah lalu itu tidak diperbaiki, saya bimbang, usaha yang hendak digembelinkan

ini nanti, tidak dapat mencapai matalamat yang ditujui, dan segala perancangan dan usaha yang dijalankan, boleh menjadi sia-sia sahaja.

Tuan-tuan dan puan-puan sekalian.

16. Bersempena dengan perasmian Kompleks Geraktani pada hari ini, sukacitalah juga saya mengambil kesempatan, untuk mengisytiharkan penghasilan beberapa jenis padi baru, yang telah diusahakan oleh Institiut Penyelidikan dan Kemajuan Pertanian Malaysia atau MARDI, bagi kegunaan penanam-penanam padi diseluruh negara.

...21/-

17. Kerajaan sentiasa memberi perhatian yang berat terhadap pengeluaran dan perusahaan tanaman padi di negara kita. Penghasilan usaha baru MARDI ini, akan menguntungkan dan boleh memberi faedah kepada lebih kurang 300 ribu keluarga petani, yang terlibat dalam penanaman padi. Sebilangan besar daripada mereka ini, adalah masih lagi dalam keadaan yang agak rendah pendapatannya. Adalah menjadi hasrat Kerajaan, supaya penanam-penanam padi, dapat melebihi lagi pengeluaran padi dari sawah-sawah mereka, dan dengan itu meninggikan lagi taraf hidup mereka.

18. Bagi mencapai matalamat ini, MARDI akan terus berusaha mengeluarkan jenis-jenis padi baru. Jenis-jenis yang akan diisytiharkan pada hari ini, adalah jenis-jenis yang telah diuji dari segi hasil, mutu, ketahanan kepada penyakit dan kesesuaian.

Saya difahamkan, bahawa jenis-jenis ini mempunyai potensi mengeluarkan hasil diantara 700 hingga 1,000 gantang pada tiap-tiap se ekar.

...23/-

19. Saya juga difahamkan bahawa MARDI akan melaksanakan program penyelidikannya, dengan memberi perhatian yang wajar kepada keadaan-keadaan setempat, iaitu cuaca, tanah, pengairan, sosio-ekonomi dan sebagainya. Dengan ini, jenis-jenis padi yang dihasilkan adalah lebih sesuai dan mengikut kehendak sesuatu tempat yang tertentu. Umpamanya, pada hari ini, jenis-jenis yang akan diisytiharkan adalah khas untuk kawasan-kawasan tanaman padi yang tertentu dalam negeri ini.

20. Jenis Pertama, yang sekarang ini dikenali dengan MR 10 diberi nama padi SEKEMBANG. Jenis ini sesuai di tanam di kawasan Kemubu, Besut ..24/-

dan Kuala Trengganu sebagai padi musim utama.

Jenis Kedua, yang sekarang ini dikenali dengan nama MR 7 diberi nama padi SEKENCANG. Jenis kedua ini pula, sesuai ditanam di kawasan Tanjung Karang, Seberang Prai, Kedah/Perlis sebagai padi musim utama, dan juga boleh ditanam sebagai padi luar musim di Pantai Timur.

Jenis Ketiga, ialah padi jenis MR 1, yang sesuai ditanam di Seberang Prai, Kedah/Perlis dan Tanjung Karang sebagai padi musim utama dan juga luar musim. Jenis ketiga ini diberi nama padi SETANJUNG.

21. Saya mengucapkan tahniah kepada MARDI di atas kejayaannya mengeluarkan jenis-jenis benih, yang boleh menghasilkan daya pengeluaran padi yang tinggi. Kejayaannya dalam cubaan mengeluarkan benih-benih jenis tanaman-tanaman pertanian yang lain, seperti kelapa, kopi, koko dan lain-lainnya, telah juga membawa hasil pengeluaran yang bertambah kepada pekebun-pekebun kecil kita.

22. Saya juga mengucapkan tahniah kepada peladang-peladang, ahli-ahli Koperasi dan Syarikat-syarikat Kerjasama, yang telah berjaya memenangi hadiah-hadiah dalam pertandingan-pertandingan

peladang progresif, koperasi dan syarikat kerjasama yang maju. Saya mengucapkan terima kasih kepada Kementerian Pertanian kerana memberi penghormatan kepada saya menyampaikan hadiah-hadiah ini, serta menyampaikan benih-benih padi jenis baru kepada petani-petani.


23. Akhirnya, marilah kita bersama-sama berdoa kehadiran Allah Subhanahu Wataala, supaya diberikan kepada kita semua, petunjuk, serta dilimpahkan kepada kita rahmat dan berkat, amin ya rabbul 'alamin.

Tuan-tuan dan puan-puan sekalian.

24. Dengan ini, saya dengan nama ALLAH yang maha pemurah lagi amat mengasihani, mengisytiharkan Kompleks Geraktani di Chetuk ini, dibuka dengan resminya.

Wabillahi taufik, Wassalamu 'alaikum  
Warahmatullahi Wabarakatuh.

\*\*\*\*\*



~~LICAPAN/ADHD~~

~~379 - 148/79~~



No. Siri ..... 460  
No. Penerimaan ..... 68/79